



17. august 2012

EM 2012/134

Inatsisartut suleriaasianni § 36 naapertorlugu apeqquteqaat aallaavigalugu oqallinnissamik siunnersuut;

**Nuna tamakkerlugu ineriartortitsinissamut pilersaarutissap sananeranut atatillugu sinaakkutissat tunngavissallu tikkuussisussat Kalaallit Nunaata qanoq iliirluni nunatut kitaamiusut allatulli ukiumut agguaqatigiisillugu aningaasarsiornikkut ineriartortitsisinnaanera pillugu apeqquteqaat allaavigalugu oqallinnissamik siunnersuut.**  
(Inatsisartunut ilaasortaq Andreas Uldum, Demokraatit)

### **Tunngavilersuut**

Tamatta inuiaqatigiit agguarneqarnerinut atatillugu aningaasarsiornikkullu suliassagut siunissami suli alliartuinnarsinnaasut imaannaanngitsut ilimavagut Tungiunermut atatillugu ikorsiissutissanut, inuiaqatigiinni aningaasaliinissanut atugassat aningaasat nassaarisussaavagut, qulakkeerumallugu tigoriaannarnik aningaasaateqarnissarput piffissanilu ilungersunartuni sillimmatisatsinnik peqarnissarput.

Akileraarneq Tungiunermu pillugit isumalioqatigiisitat tikkuarnikuuaat, maannakkutut tungiuinermi atukkagut taamaaginnassappata 2040-p tungaanut ukiut tamaasa ukiumut immikkut 1 milliard koruunit nassaarisariaqartassagigut.

Aningaasalli nassaarineqartussat amerlanerupput, maannakkut tungiuinermi atukkatta pigiinnarnissaata saniatigut aningaasasiornikkut politikkikkullu namminersulivinnissaq kissaatigigutsigu.

Naalakkersuisut ukiut kingulliit ingerlanerini malersortarpaat ukiumoortumik aningaasanut inatsisissat oqimaaqatigiinnissaat, ingerlatsineq sanaartornerlu eqqarsaatigalugit. Tassa imaappoq, DA-saldomik taaneqartartoq minnerpaamik nul-umiittassaaq. Pilersaarut tamanna piviusunngorpoq, tamannalu pillugu pilluaqqusisariaqarpugut.

Isertorneqassanngilarli, ukiumoortumik aningaasanut inatsimmi angusat kusassartuarneqarsinnaanngimmata sipaaruuteqarneq aqqutialugu. Sipaartoqassaaq amerlisaanissaq ineriartortitsinissarlu pillugit - soorunami sipaakkat amerlisaanissamut iluanaaruteqarfissanullu aningaasaliissutigineqarpata.

Pisariaqarluinnaqqissaarpoq annertusaanerup aallartinnissaa, tungiuinermut aningaasaliissutitta amerlanersaat annertusaasimanermit akilerneqartaleqqullugit – siuariarnerup kinguneranik – ataatsimut aningaasasiornitsinni. Annertusaaneq piujuannaqqunartumik annertusaaneq atorlugu.

Aningaasarsiornitsigut annertusaanerup kinguneqarluartup taarsigassarsiiartut oqaluttutissavai, Kalaallit Nunaat aningaasaliiffigissallugu isumannanngitsoq, tamatumap aamma nunarsuup sinnerani aningaasaliisartunut isumaqatigiissuteqartarnissarput oqinnerulersissavaa.

Inuiaqatigiit ataatsimut isigalugit ineriartortitsinissamut pilersaarusrionerup kingunerissavaa, ersarissarneqassammat, suut suliniutit pisariaqartinneqarnersut oqartussaaffinnik amerlanernik tigusinissarput akissaqartilissagutsigu taamaasillatalu politikkikkut namminersulivinnissaq qalliallallugu.

Demokraatini aamma qularinngilarput, Ineriartortitsinissamut pilersaarusrionerup kinguneranik inuiaqatigiit amerlanerusut akuersaарnerullutik paasilissavaat pisariaqartoq innersuussutit amerlasuut pisariaqartullu piviusunngortinnissaat soorlu Akileraartarnermut Tungiuinermullu Isumalioqatigiisitaneersut taamatullu Angallanneq pillugu Isumalioqatigiisitaneersut.

Ineriartortitsinissamut pilersaarutip qanoq ittuunissaanut ineriikkaniq najoqqutassanik soqanngilaq. Ineriartortitsinissamut pilersaarutit assigiinngitsut aamma assigiinngitsunik anguniagaqarsinnaapput soorlu aningaasarsiornikkut ineriartorneq BNP-mut uuttorlugu imaluunniit nunap qanoq pilluartiginera uuttorlugu.

Tamatigut politikkikkut aalajangingassaavoq, ineriartortitsinermut pilersaarummi anguniagassat suut allanneqassanersut. Demokratimilu atukkatsitut ittumi ineriartortitsinissamut pilersaarummi siullerpaamik akuusut sinaakkutissanik tunngavinnillu pitsaasunik tunngaveqartittariaqarpagut, taakku namminneerlutik nammineq periarfissatik atorlugit ineriartortitsineq kissaatigisartik pilersissinnaaniassammassuk.

Kalaallit Nunaanni ukiorpassuarni agguaqatigiisillugu aningaasarsiornikkut ineriartorneq nunanut assigerusuttakkatsinnut naleqqiullugu malunnartumik appasinnerungaatsiarpoq. Tamatuma kinguneranik nunami ineriartorneq killeqarpoq – inuiaqatigiillu akornanni annertuumik – aningaasarsiornikkut kinguarsimasoqarpoq, taamaallaat Naalagaaffiup tapiissutaanik ilaannakoortumik ikiorserneqartartumik. Ineriartornissamut pilersaarusrionerup pissusissamisoortumik isumatuumillu anguniagassanngortinneqarsinnaavoq aningaasarsiornikkut kinguarsimanerup millisarnissaa nungutitaanissaaluunniit.

Taamaallaat tamanna angusinnaavarput ineriartorneq aqqutigalugu. Taamaattumik pingaartorujussuuvoq paassisallugu ajornartorsiuit qaangersinnaannginnatsigit aningaasaliissutinik nussuinikkut akileraarutinillu qaffaaqattaarnikkut.

Oqallinnermut atatillugu pissusissamisuussaaq pisortat ingerlataasa kalaallit nunaanni inuiaqatigiit aningaasarsiornernut aallarniisarnerannullu qulangiisimanerata aallaaviginissaa. Taamaattuartariaqarpa imaluunniit aningaasarsiornerup ilarujussuanik pisortat atuisarnerat millisarniartariaqarpa namminersortullu amerlillugit aamma namminersortut periarfissaat? Erseqqissarneqassaaq, oqaruma namminersortut, taava eqqarsaatigaakka namminersortuiit – pinnagit namminersortuusaartut pisortat ingerlatseqatigiiffi amerlinerisigut.

Demokraatini isumaqarpugut, pisortat ingerlataasa inuiaqatigiinni aningaasarsiornikkut inuunermilu qulagiisimanerujussuat annikillisarneqartariaqartoq, taamaasilluni innuttaasut kiffaanngissuseqarnerulersillugit – sungiussitillugillu – nammineq inuiaqatigiittut

kiffaanngissuseqartutut akisussaassuseqalernissaannut, iliuuseqartarlutik nunasiaateqarnerup nalaanili aningasarsiornikkut pissusitoqqanit kaanngarniarlutik.

Kiffaanngissuseqarnerulerneq aamma imminut akisussaaffiginerulererup nassataanik inuaqatigiinni ajornartorsiutit oqinnerusumik iluarsineqartalissapput. Aamma soorlu ilinniarnissamut kajumissuseqarneruleritoqassaaq, naliginnaasumik nuannaarluni inuuneq atornerluiffiunginnerusoq annertusissaaq sulisartullu tunisassiornelerersillugit. Kisianni aamma sulisartut sulinikkut ilinniarsimassutsikkullu piginnaannngorsarneqarnissaat, meeqqat atuarfianni ilinniarsimassutsip annertusarnissaa qaffassarnissaalu aqqutigalugit taamatullu ilinniarfinni allani ineriartortsinissamut pilersaarummi pingarnerpaanngorlugit ilaatittariaqarput.

Aamma sanequassinnaanngilarput inuussutissarsiornerup aaqqissugaanerata qissiminnissaa. Unneqqarilluta nassuerutigisariaqarparput aalisarnerup aningasarsiornikkut ineriartorteqqinnissaa killeqaqimmat. Pisassiissut ilisimatuut siunnersuinerat tunngavigalugu amerlassusiligaapput, aamma piujuannartitsinissamik pingaartitsinerunngilaq imaluunniit piffissap ungasinnerusoq isigalugu ineriartortsinertut isigineqarsinnaanngilaq pisassiissut amerlinissaat aalisarnerup akilersinnaanerunissa qularnaarniarlugu.

Paarlattuanik peqassuseq annertuumik innarlerneqarsinnaavoq aalisartut aningasaataarunnerannik kinguneqartumik kiisalu avammut tunisassiornitta killeqalerneranik. Aalisarnermi siunertaasariaqarpoq aalisarnerup iluani suliaqartut ikilisarnissaat peqataanillu tunisassiarineqartartut annertussusaasa pigiinnarnissaat – ajornanngippat nunami maani pigisat nalingisa annertusarnissaanik ilallugu, nunarsuulli sinneranik pisisartut eqqarsaatigalugit, pisisussanik unammilleqateqarneq ataqqillugu. Naapertuutuliornerusussaanngilarli aalisarnerup iluani sulisartuuusimasut ikuutisiaqaaannalissappata.

Paarlattuanik pisariaqartussaavoq, allani tunisassiorfinni taakku iluaqtiginiarnissaat, soorlu aatsitassarsiornerup qaarusoqarnerullu iluani, siuarsasoqartariaqarpoq kaammattuineq aamma nikissinnaanissamut sulerusussutsimullu piumasaqaatit naapertuuttut atorlugit. Tamatuma aamma aatsitassarsiorfiit tikisitanik pisariaqartitsinerat millisassavaa. Tamatuma aamma nassatarissavaa amerlanerusunik tunisassiuлерnerput, taamaasilluta aalisakkat qaleruallillu akiisa nikerernerinit eqqorneqartuarnerput sakkukillisillugu.

Inuussutissarsiornitta sinnerani ineriartortsinissamut pilersaarummi qitiusariaqarpoq inuussutissarsiutinut tapiissutaasartut ikilisarnissaat aallarnisarnermilu ikuigallartarnermik taarserlugu, tunniinneqartartussaq piffissamik aalajangersimasumik killilerlugu. Ineriartortoqarnavianiingilaq inuit pisortat tapiisutaannik isumallutilinni sulifinni suliuartinnissaat.

Ukiorpassuarni eqqartorparput imminut pilersornerulerlernissarpot Kalaallit Nunaatalu kujataata nerisasanik peqqumaateqarfittut atornissaa, kisianni ukiorpassuarni tapiisoqartalaruartoq savaaateqarnerlu pitsasunik atugassaqartinneqaraluartoq ulloq mannakut suli savap neqaata tunisassiap kilomut akianut 80 kroonik tapiisarpugut.

Ukiorpassuarni taamaattuarnikuovoq, eqqaamasat naapertorlugit. Tamatuma takutippaa soq inuutissarsiornikkut ineriartortsinermi tapiissutit kisimik isumallutigineqarsinnaanngitsut. Paarlattuanik piffissaq sivisunerusoq isigalugu inuaqatigiinni aningasarsiorneq noqqallattarpoq imaluunniit taamaaginnarluni, inuit atungarliulersarput ikuutinillu pisartut imminut

tatigiunnaartarput. Assersummut tunngatillugu nunat allanut nunalerinermut tapiissuteqartarnerat illersuutigineqartariaqanngilaq.

Inuutissarsiornermi aaqqissuussinerit eqqarsaatignerannut atatillugu inuiaqatigiittut naliginnasumik eqqarsaatigisariaqarpalput politikkikut suliniutit annertuut qanoq akuerisassanerlutigit, soorlu alcoamut aamma London Miningimut tunngasut, kujataani aatsitassanik qaqtigoortunik piaanissamut tunngasut ilaalu ilanngullugit. Pinngilara misissueqqaarnissamut piaanissamullu atatillugu akuersissutinik tunniussinissami inatsisit naapertorlugit piumasaqaatit.

Kisianni allaanngilaq annertuumik piaasussat qunungipajaarigut. Perusungunarpagut, kisianni aatsaat piujuannartitsisinnaappata, ileqqorissaarpata, arlaannaatigulluunniit mingutsitsinngippata, isumaqatigiissutinik aalajangersimasunik tunngaveqarlutik sulisitsippata, tikisitanik sulisoqarnissartik pingarnerutinngippassuk, aallartinneq sioqquillugu kingornalu pinngortitamut avatangiisnullu qimataqassanngippata, ataasiakkaanit amerlasuunillu isumaqatigineqaannaratik aamma innuttaasunit nunaqvavissunit kattuffinnillu nunani allaniittunit tapersorsorneqarpata, misissorneqarsimappata nalilorsorneqarlutillu sutigut tamatigut il.il. malitassaqartippallaarlugillu piumasaqarpallaarutta pissutaannginnerluni nammineq annertuumik aallartsinissatsinnut ersinerput imaluunniit suliffissuaqarnikkut ineriertortsinissaq ersignerparput?

Tamatumunnga atatillugu imminut apereriarta, taama amerlatigisunik aamma Royal Greenland piumasaqarfijisanerlutigu Qasigiannguani nutaarsuarmik suliffissualiorniarpat? Qularutigineqassanngilaq Demokraatini piumagatta sapiissuseqarlatalu suliffissualiorternissat piviusunngortinnissaanut.

Aamma ima uppertiginngilagut, allaat isumaqarluta malugineqarnavianngitsoq imaluunniit arlaatigut ajortumik pisoqarnavianngitsoq. Akerliusqartuartussaavoq sunaluunniit pineqaraluarpas.

Inatsisartuni pikkorinnerulerteriaqarpugut politikkikut aalajangiinissap sapiissuseqarfiginerulernissaanut aalajangingassat nuanniippata artornarpataluunniit. Demokraatini assersuutigalugu ajoqt sunaluunniit imaluunniit Facebookimi naammagittaalliorneq piinnarlung sunik tamanik unitsitsinavianiingilagut.

Nuna tamakkerlugu ineriertortsinissamut pilersaarummi tunngaviussaaq suliffissualiornissanut isummersimanerput tamakiisoq. Tamatumunnga atatillugu erseqqissassavarput, Demokraatini isumaqaratta, suliffissuaqarneq iluaqutigalugu inuppassuarnut akissarsialuttunut imaluunniit piitsuusunut tungiuneq qaffassarneqarsinnaasoq. Isumaqarpugut aamma tigussaasunik piviusunillu allanik tunngavissaqarata. Ajornartorsiutit tusaqqusuarutit oqalliseringeruuqinnarsinnaanngilagut, atugarissaartut ikittunnguit akornanni takussaasut.

Angallanneq Attaveqarnerlu pillugit aaqqissuussinerit eqqarsaatigalugit aamma ammasariaqarpugut pisullu isornartumik isigalugit oqallisigalugulu tapiissutit tunniunneqartartut aningaasarsiornermut qanoq iluaqtaatiginersut imaluunniit najugaqariaatsitsinnut tunngatillugu aningaasartuutiviit qanoq annertutiginerannut matoorutaaginnarnersut taamaattumillu aningaasarsiornitsinnut killilersuutaallutik.

Sorpassuit pingaarutillit eqqarsaatigisariaqakkat tikkuarneqarsinnaapput, soorlu akileraariaaseq, suliffeqarneq sulisartoqarnerlu, pisortat nikinnik atuinerat, kisitsisit atorlugit paasissutissaatigut il.il. Qulaanili allassimasut pitsaasumik pissanganartumillu oqallinnissamut tunngavissaalluarput, tassani kaammattuutigissuara, unneqqarilluta oqallisigissagipput aaqqissuussinikkut ajornartorsiutit ukiorpassuarni suneqarsimangitsut taamaattumillu Demokraatit kissaataanut tunguinerup pitsangorsarnissaanut, killilersuisumasut qanoq iluarsiiviginnaanerlutigit.